

列餞齊明通光月路始能皎鏡泉途炳煥
沈穴勿使煙光扇蕩暉影傾囀

次復鑑

香官使者左右龍虎君侍香諸靈官當今靜
室行道靈壇露悃之所自然生金液丹精芝
英百靈衆真交會在此香大案前使某等得
道尅獲神仙臣身受福合門荷恩八方玉女
侍衛香煙傳奏所言徑御
至真無極道前

次詠紫霞頌出壇

紫霞舞玄堂 元炁常無形 洞灌三丹田
八景奉高清 七曜房朗朗 超哉鬱冥冥
曲靜徘徊泉 神龍同鬱新 三周一感會
災胞仙道成

正一指教齋儀

正一指教齋清旦行道儀

先發鑑

太上玄元五靈老君當名功曹使者左右龍
虎君捧香使者三炁正神急上關啓三天太
上玄元大道君臣等正爾燒香清旦齋事願
得八方正炁來入臣等身中所啓速達徑御
至真無極道前

次上香周迴還東向再拜

次長跪叩齒二十四通出官

謹出臣等身中五體真官功曹吏出臣等身
中治職君吏建節監功大將軍前部效功後
部效殺驛亭令驛亭丞四部監功謁者及臣
等所佩仙靈二官直使正一功曹治病功曹
左右官使者陰陽神決吏科車赤符吏剛風
騎置驛馬上章吏官各二人出出者嚴裝顯
服冠帶垂纓整其威儀住立臣等前後左右
咸受臣口中辭語分別關啓奏清官屬監齋
君吏天師所布下二十四治諸官君將吏道
上二玄三元四始甲子諸官君七十二官三
官考召直日直符五嶽四瀆丘沼廟神山林

孟長山川溪谷及此間州縣鄉里里域真官
注炁監察考召土地之主社里邑君一時嚴
裝與臣等身中功曹使者及飛龍驛吏上啓
太上大道太上老君太上丈人四方衆真道
德尊君天師嗣師系師女師三師君門下典
者君吏泰清靈神正一諸官君臣等謹參法
敬職在披述爰值歸告輒爲宣騰謹有

次讀解

辭言懇倒謹具陳請爲依漢中舊典建指教
齋直一日一夜三時行道日夜祇誠特賜玄
澤俯垂臨照請三天監齋仙官天兵騎乘各
依儀法一合來下行神布炁輔衛道場澄潔
身心祈願感達降福消禍乞如所陳功曹使
者分別聞奏以時上達列啓事竟各還臣等
身中復於宮室須召又到一如故事

咽起
再拜

次便四方朝

若中夜即於此先發
繼然後行四方朝

太上玄元五靈老君當名功曹使者左右龍
虎君捧香使者三炁正神急上關啓三天太
上玄元大道君臣等正爾燒香清旦齋事願

得八方正炁來入臣等身中所落速速徑御
至真無極道前

次法師還東面西向長跪上香周竟

還

次西向各稱治職拜拜平坐讀

謹闕啓天師嗣師系師女師三師君夫人門
下典者君吏

次北向

謹闕啓上皇太上北上帝道君

次東向

謹闕啓太清玄元上三天無極大道太上老
君太上丈人天帝君天帝夫人九老仙都君
九炁大人等百千萬重道炁千二百官君太
清玉陛下 次南向

謹闕啓南上帝道君司命衆官三天萬福君

臣等宿世因果稟承正教運逢僥倖叨擢冥
津業愧清虛行慚辱恒願立功補過延福
拔咎消遣累欲增長勝緣接接憂危祈濟苦
難今謹有齋忱用伸宣讀

請辭

具如翰墨所陳宜可騰奏輒相攜率為施主
某乙建立天師指教齋直一日一夜三時行
道願以是功德為齋主家七世父母先過後
亡一切神爽消釋殃對和解基罰拔長夜魂
暗永劫罪斷地獄緣結天堂業故歸身大道

歸神大道歸命大道

第一上香願以是功德上延七世父母過去
神識當令免離災厄苦難咸得解脫煩惱惡
根受鍊朱陵輪化南極永出三塗長遠五道
不更六趣不涉八門淨被後徒福流見在今
故燒香自歸依師君昇入無形和與道合真
第二上香願以是功德奉為帝主國王君臣
吏民保鎮皇基興隆社稷安邦利壤延福享
祚故歸身大道歸神大道歸命大道持是功
德上延帝主國王君臣吏民當令免離災厄
苦難咸得解脫煩惱惡根使壽永乾坤年逾
椿齡國治民安功成道泰上慈下孝君禮臣
忠六合寧靜九有清平今故燒香自歸依師
君昇入無形和與道合真
第三上香願以是功德為供主自身及家門

眷屬尊卑善慶災度危保命延年滅禍消
凶除殃却患祈恩諸福拔罪解愆并及同炁
左右衆官治所領民天下吏民等普同福慶
徧受洪潤故歸身大道歸神大道歸命大道
持是功德歸其等身及家門眷屬尊卑大小

同炁左右衆官治所領民天下吏民當令免
離災厄苦難咸得解脫煩惱惡根五刑六害
一切消弭千殃萬患並皆迴伏四關九竅吐
故納新三一五神鎮衛官府心閑意朗耳目
聰明所向所欲必獲從果所營所作萬事諧
克求道降真求財得寶南昌領籍司命記名
長存久視德合天地畜牧之屬蝗飛蠢動已
生未生感蒙成就今故燒香自歸依師君昇
入無形和與道合真

次誦詠三首

淨意結五內 攝情修齋直 先人獲其慶
子孫得其福 身固殊金剛 壽命無終極
心如瑠璃珠 光明照身外 是謂無上道
衆道中之最 皆從齋直生 捨香之所得
是為大道座 賢者各努力

捻香上虛無 精誠感一切 一心無二意
 願念隨煙昇 香煙昇太清 願念壽煙至
 煙御大道前 太上稱為快 旋行各三周
 功德因旋邁 三官除罪契 左神著生錄
 仙都定玉曆 記名著左契 天老刻玉籙
 冥德於金匱 燒香向空無 旋行奏至誠
 齋戒攝情念 願除億會罪 赦貫代兆軀
 從道求所知 福德當歸流 明內受吉慶
 基考一切解 是皆燒香得 知此由天師
 後世悉皆知 禮拜天師君
 不勝情喜躍

正一指教齋清旦行道儀

三儀同卷

正一救壇儀

正一醮宅儀

正一醮墓儀

正一救壇儀

夫救壇先辦水劍安地戶上具壇簡
 行道就劍水所先存思本師在西次
 存思三將軍次存思有一真官絳衣
 乘斗而至乃啓白

臣聞調陰陽者莫過乎百靈濟家國者莫逾
 於大道故碧落有災祥之變令人則之黃籙
 有拯拔之科令人修之臣雖不材竊慕玄化
 忝佩法籙叨稱治官所歷山川敢忘報效以
 今太歲某月朔某日辰謹於某州某縣鄉里
 領行法事道士若干人謹為大道弟子某為
 某事修建某齋幾日幾夜懷災却禍請福祈
 恩建立壇場依科關奏臣等涕鍊形系棲心
 靜神克期奉行敢不上聞伏惟
 太上布維新之令開覆育之恩救下真官分

忠元

司降鑒使煙雲暫息於三界風雨無施於四
 冥懺謝必聞啓傳無間臣等不勝慊切之至
 專思神念真伏待報應

次存思報應畢又存四靈畢便過壇
 簡與他人次垂手握固召四靈

東方青龍角亢之精吐雲鬱炁噉雷發聲飛
 翔八極周遊四冥來立吾左

南方朱雀衆禽之長丹穴化生碧霄疏響奇
 彩五色神儀六象來導吾前

西方白獸上應臂參英英素質肅肅清音威
 懾衆獸嘯動山林來侍吾右

北方玄武太陰化生虛危表質龜蛇合形盤
 遊九地統攝百靈來從吾後

次收兩手捧心二足丁字立呪曰
 吾召百神百神既集即當遊帶日挾月行九

州十六神將為吾使天官地官水官同其休
 次三才步就劍水右手執劍呪曰

五行所運火木水土金我佩剛劍禁救鬼神
 二十八宿隨吾指陳北斗七星扶輔靈真周
 流萬方百福同臻